

ZRZESZ KASZĘBSKŌ

CZĄDNJIK
KASZĘBSKJICH ZAJMOV



V MJONO BOSKJI
NORODNI VZENJIK

Vědovajaci i redaktor wodpovjedzalni:
IGNACY SZUTENBERG — GDYNIA
ul. Świętojańska 16.

„Zrzesz Kaszëbskŏ” wëchodŏ 1 roz v mjesaci. Przedplatnŏ je rocznie 3,50 zł; kwartalnje 0,90 zł. Czadk 30 gr.

NR 9

KARTUZE Sėv njik 1937

ROK V

Aleksander Labuda

Dejŏ Vjelgjiго Pomorzŏ

Vjelgji Pomorzė moŏe bėc dzis pojętė v dvojakim znaczenjim: v administracijnim i historecznim. Pomorzė v pierszim znaczenjim rozciġŏ sė na vzenjik i polnjė, wobjimŏ zemję chełmińską, dobrzińską, mjichałovską, dźel Kujav i Mazovsza — zemje, chterne pjervi nji mjałė njick vespole ze zevjiszczem Pomorzŏ. Nji wo takji vjelgji Pomorzė nama jidze, le wo provdzevė, to je historecznė Pomorzė, chterno ze svi noterė je vjelgim. Sigŏ bo wod Njecė po Bŏlt, dolnė Vjisłė na vzanjik jaŏ slode Elbė.

Vjelgji Pomorzė — to całŏ przėbŏltnŏ Słovjanjizna czilŏze Velecejŏ. A Veletovje (Vendovje) — to nostarszė zevjiszcze naszech przodkov, vespolnė vszėdnim szczepom: Letikom, Vagrom, Wobotretom, Ranom, Volińcom, Starokaszebom v zemji belgardzkji i v porenk wod njich sedŏcech Słovińcŏv. Te vszetkji szczepė godivałė kjedes tŏ jistnŏ movŏ, chternŏ do dzis dnja tak vjerno zachovelė Kaszebjj. Le skutkjem wokropnych dziejovych grŏėmotov vjikszi dźel Veletov wutracel rodnŏ kulturė i norodnė vseczėcė.

Njespole wod te jesmė jednak ti deji, ŏe mjilno wuvoŏaje sė dziseszech Pomarenkov i Meklemborzov za Njemcov, za element czesto nom cezi. Sŏ wonji provdac cezi nom dziso kulturŏ, to je vjara i movŏ, hevo tim, co je nabėtim i zmjennim, le v ten mol blisci sŏ wonji nom krėvjŏ, hevo tim, co je nom vrodzonim, a zagves vjikszi vogji. Vėzlė bo krėvji sŏ i musŏ bėc mocnjeszi wod vėzlŏv kulturė. Tim sė vėjosnjŏ fakt, ŏe do dzis dnja vseczėcė słovjańskjiġo pochodzenjŏ jesz czesto nje vėgasłŏ wu Pomorenkov i Meklemborzov. Z gvesnŏ

bo buhŏ podnoszajŏ ti, co majŏ rodovŏ tradicejŏ: „Wir Wenden” — mė Velecė.

Veleckŏ krev sė v njich wodzevŏ i domagaje sė dziejŏvi spravjedlevŏtė.

Na to mė nji mŏzemė wostac głechi anji nje-boczlevi. Jesmė bo wostatnimi pomorskjima „mohikanami”, pravovjitima spuszczanjami vszetkjiġo, co pomorskjiġo. Grėdzi na nas vjelgji wobovjŏzk procimko do vzanjicznch Veletov i procimko do nas samech. Momė vjelgŏ misejŏ do spėlnjenjŏ, chternŏ dzeje na nas nałŏŏitė. V ti miseji dejŏ wodrodė Vjelgjiġo Pomorzŏ na spodlim kaszebjiznė je varunkjem jestė Kaszebov, jich rodnigo jėzeka i kulturė. Z dregji zŏs stronė vjemė, ŏe wodroda Vjelgjiġo Pomorzŏ je varunkjem prziscigo Polskji do Bŏltu.

Z tego venjikŏ jasno i dobetno, ŏe calechnė spŏłeczeństvo polskji mjałŏ be Kaszebov popjerac, przėczenjic sė do vzmocnjenjŏ jich vortorsci i przez takji poparcė, chterno Kaszebe barŏzij jesz sparłėczy ze sobŏ, a zacignjėti dług dŏczlevŏtė Kaszebjj bėdŏ tim mocnij spŏłecė Polsce dlo ji chvałė, mocė i najiġo vspolnigo dobra. Vszėdni Kaszebjj czėc musŏ, ŏe vjele zavdŏczajŏ Polsce. To sŏ varunkji, wod chternej realizacejŏ ti deje je zoleŏnŏ v pierszim rzėdze.

Jak jesmė ti wudbė i vjarė, ŏe roz kjedes Worzŏł polskji przez Czornigo Grifa kanje nad Elbŏ, tak i v to jidzemė, ŏe norod Polskji vėtrvołi v dluġjim bjotkovanjim sė z cezińcem, bėdze zdatni do belni wodvogji v ti vjolgji deji, jakŏ na sė vėzłė Kaszebjj. Spiritus flat — ubi vult.

Mova pogrzebovô na eksekvje ¹⁾

nojasnjeszigo, novežszigo i notcevoritnigo knjeza i vaste Bogusłova XIV, knjeza (ducis) Sztetińskjigo,

Pomorza, Kaszeb i Wandalov, knjeza (principis) Ruji, biskupa Kamińskjigo, hrabjigo Gutzkov,

vaste Lęborga i Betova, vëgłoszonô v kaplece zomkovi v Sztetenje

25. VII. 1654 przez Jana Micraeliusa. D. 2)

Chcołbem sę dorozmijoc, jak rozmajité czëca i przëczene mja vczorajszô wuroczestosc pogrzebovô, v czãdze chterni przenoszeli v vspaniałim worszaku do grobovjiszczu wojcov wostatnigo z rodu Grifjitov knjeza Bogusłova; vjele ledztva i norodu tam zebranigo zrobjelo vjolgi vrażenjë na przëzerających sę: vëczôł jem, że barzechno vjele belo tim skreszonech v szerzavnim i tcevoritnim koscele. Zdovô mje sę, że vjernech mjoł poddonech, kjejde tak wostrožno vszesce przedną movę moję przëjeli i vjerzë, że nje zgasła pamjéc knjeza, chteren wumar bez wotroka i chteren wostavjel tak vjolgi posadłovja Pomorzon. Jô jakno Pomorzon jem zatrechli, ale jakno dobri obivatel muszë podzëkovic tim, co wupadającë państwo (sc.-pomorskji) nasze dvjigneli na przëgrzechë tim, co woddovna redovelë sę — dlote veseljeszi sę perznë zrobjë, bo nje chcë jakjich wuszov wobrazec.

Wokoma tegu nje chcë, jak jinszi, v panegiriku żołobnim pochvolac na tczë zmarłych knjezov. Movcom nim vëdovoje sę, że Spartë svojë z mjarą wozdobjili, kjej na tremë z zmarłim zatrechło pozdrzã i popłaczą — na kuńcu, kjej skuńczã pochvalë na tczë zmarłigo, pravjã te samë słowa do nadstãpielca: żeczã mu njesmjertelnoscë, przepovjodajã wo nlepszych nodzejach procimko do najigo knjeza. Na mje napjerô sę vjele apartnosci, chterne be mesle skreszelë i kjejbem jinszã (sc. movë) mjoł, nje vjidza be sę starszim; nji mogë mjec takji, chterna be traktova wo rzeczach mjinjonech, movë, vjolgi v nodzeje, chterna be polepsza nasze położenjë — chcã, żebem navetka zmjenjel som sposob vëmovë.

Je rzeczą prostã wu nas, że pogrzebe knjezov wodbivajã sę vestrzodka vjolgjich wuroczestosci. Przez cali mjesãc czëc sã zvone, zôs v znankovanim dnju vënoszajã v bogactvjë i wokażaloscë wozdobno przëstrojonë mare, dokoła nech gësto polã głownje. Njesë sę sztandare z poznakami rodovima jedna po dregji provinceji, teli czorno wustrojonech koni provadzã. Njechternech chvetô ból i żół za wumarłim; gësti rzëde popprzedzajã stãpającë zgrzebjetã. Po tim vëgłoszô sę movë pogrzebovã, chternã dnja postëpnigo povtorzô sę v movje łacińskji; łomje sę

pieczëce i zavjeszô sztandare — tak vjic më sę przëzveczajili ttec wumarłych.

Kjej rocznjikji nasze badajë, dobetno wod czasu wurôdzenjô sę naszigo wostatnjigo knjeza, narechovoł jem v rodzeznje knjezov Pomorskjich przënomji 28 pogrzebov: troje dzeci njewustnech, jeden poslebjoni dzevczëcu, dvuch knjezov bezzennech i dześcińc ženjalech, dzevjinci słôvnech kobjet vëdonech za najech knjezov i szterech matron, vjedejãcych sę z pomorskjigo rodu a wumarłych jakno ženjalech z zagranicznima knjezami. Leno, jak jem povjedzôł, ti, chterni donãd vëgłoszelë movë pogrzebové na wutcenjë wumarłych knjezov, nodzejë mjeli, że po nim też zvezchno move będã vëgłoszonë. Ceszelë sę, że ju jinszi sę wurôdzeli, a kjej plakeli, że v gëstim lese jedno drzewo sę skjidło, ta nim tam redosc wostała, że drzewov belo vjicij i bezmała codzeń novë podrostali. Tero zôs nje galãz wod drzewa wosta zervanô, ale samo drzewo sę zvãleło. I nje jem v lese, chdze, kjej jednã chojnë czë dãb zetnjesz, las gjinje — tu calechni las vëtnęli. 28 drzewov, jednë bjedné, jinszë ju v latach vëczëtë wostałë v cigu nje tak dlugjigo czasu. Jedno z njich perznë głëbji korzenjami vrosło, po nim jednim, kjej ju vszelejako nodzeja wupadła, më sę spodzeveli, że zvarci lasovji jegu wozdobë. Proselesmë Boga, żebe znãd vjetvë novë i vjetinkji vërosłë. Le te bólu! Co za szkôdô! Nodzeje wojczëznje vëdzartë!

Na Bogusłavje całô rodzezna knjezov Pomorza vëgasła. Nje jednigo knjeza, le provãdzeli vczora pogrzeb cali linji rodovjisti — pogrzebelë cali rod knjezov pomorskjich. Më belë zatrechli i jesmë donechczos nje leno z worãdze jednigo Bogusłava. le też, że v Bogusłavje zgasa całô rodzezna grifjickô, Co za nje do vëpovjedzenjô ból. Co za vjolgô szkôda. Nodzeje wojczëznje vëdzartë!

Prëboczivom sę no zatrechli vjidzavjiszczë, kjej przed 200 bezmała lat Otto III³⁾, knjez Sztetena, wumar bez wotroka, grëdzącë calechnë knjazestvo v bolesnim jivrze. Na njim tede mja sę skuńczec linjô knjezov — znãd jëkji, łze i płacze. Nãloz sę i takji, chteren, kjej pogrzeb sę wodbivoł, helm i tarczë knjeza cesnãł do grobu, jakbe ju nje wostôł njicht z knjezov Sztetińskjich. Le nãloz sę dregji, chteren skoczôł do grobovjiszczu, tarczë

Jan Rompskji

Z „Arkone” - vejimk

Jakos dzivno rovnak tu —
to jinszi jakbe mol!

Źe je rodné zemjiszcze,
že dzejov mô v se źól?

Pomorenkov zemjo, woj!
szczescé lat knopjicznych.

Lubjejący kvjotku mój —
źdroju szczepkov vinnych...

Spjevov vďalech naju tur —
te zemjiszcze liźe!

Kolebjonko v mojach snach,
woj, zabelé ce v tczé...

Zemjo, zemjo! Cos v se mosz,
swojch tak přecigosz

Jako matka sercé le
ě spjevą ji dęrgosz!

Woj, te vjidze najech dnji,
naj słuńce — njebo te!

Czeję cebje — czejesz mje
Lubotné zemjiszcze...

z helmę vęcignął i vskoził, że v jinszych stronach Pomorzigo są takji, chternim broń ta sę noleži; jeszcze tede wotroce nje vęgjinęł: trzē mocnē do- nechczos na drzevjie mocnim vjetvjie wostalē — ale tak beło. Co wostelē na Vologoszczu Vartislōv X⁴⁾ i Erik II⁵⁾ wumerlē. Wumar ju całi knjezovi rod Pomorzigo. Wotroce Ottona I⁶⁾ v linji trzeci zagji- nęłē. Źelē, roslē i wo wojczeznē dbelē ti, chterni pochodzelē z Bogusłova IV⁷⁾, przērodnigo brata Ottona I i ti vszetce Pomorzanom lze wocerlē. Ters zōs, męzovje pomorskji, teru bezpječno cesnjita tarczē i helme knjezov najech do podzemjiszcz! Njicht jejich stādka nje vęcignje. Ters bezpječno płaketa! Nje naduńdze posłańc redoscē, chteren be wogłoseł, chdze źeją jinszi knjezovje pomorskji.

Podcētē je drzewo szerocznē z gnjozdę dło Gri- fjet i ptoch wopuszczō Pomorzigo posadłovja.

Le kjej z njebelejakjigo povodu vęciskom lze Pomorzanom, bo jem so wudostoł do tegu vspolnima jękama i lamentovanjim, mom zabeti, że są tu mę- zovje z krolestva Szveceji i sąsēdze z marchiji bran- denburskji, chterni moglē be sę wobrazec, że ters, kjej tu są, jesmē zburzoni jakjims fantasticznim jivrę, ból wokazivomē. Woni są ju gves vjolgjima wopje- kunami najech provinceji, navetka wojcami. Vjicij v bezpjecku źeją naszi mjeszkańce: rene są ju zago-

jonē; co jesz może bęc przęczeną bolu? I dlote nojasnjeszi, szlachetni, vszędze znani i vjolgji mę- zovje, dło tegu jem sobje zastrzeg nje wobrazec wuszov czejęcech, chterni mje rozmaice rozmjeją a v se przeživają jakjis bjotkji simpateji. Čto dobri i rozemni, ten spokojno słochoł mdze v żołobnim panegiriku wo pochvalach, žebe wutcec knjeza. Jegu popjole wod vszetkjich to chćą mjec. Pomorzanje wubolevają nad wumarłim i tim baržij, bo stracelē svoją dinastę knjezov. Nen ból jednak nje tak baro je vjidzani wu tech, chterni tak dbadzą wo naszą wojczeznē, chterni ju zastąpjelē nom knjezov naszech i przez nas, jakno poddanech, są szanovani. Bo woni, abo jejich starszi naszech knjezov wumar- lech rechovelē do partu svojch przejaceli.

Dło tegu i wonji v smutku sę grędzą, bo prze- jacela stracelē — a stracenjē przejacela Seneka wu- voźō za novjikszą szkodę. I provdzevim beł knjez dło njich przejacem. Vdarzē so, kjej przed 24 latama novjicij znani krol Szveceji⁸⁾ przēszed z voj- skę, žebe nas wosvobodzec wod trzelatnych naszech njeszczesci, jak chcevo knjeza najigo wobjął, jak po przejacelsku pravą rękę podovoł, jak vjesoło razę wucztovoł. Vspomjinoł so starē przemjerza Szvedov i Pomorzanov, vspolné wofjarovivanjē sobje pomocē, krevnosc i pokrevjeństvo.

p. v.

Brunon Sobczak
Jan Kolka

- 1) Tłukę v Sztetenje 1654 po łacenje. Mova ta je vegłoszonō v 17 lat po smjercē Bog. XIV, kjej go przenoszelē do grobovjiszcza wojcov.
- 2) Beł tede rektore pedagogjum v Sztetenje.
- 3) Otto III (1459—1464), knjez Pom.-Szteteno; na njim zgjina II linjō knjezov na Sztetenje.)
- 4) Vartislōv X (1457—1478), knjez Ruji i Barth,
- 5) Erik II (1457—1474), knj. Pom.-Vologoszcz.
- 6) Otto I (1295—1345), założecel II linji Pom.-Sztet.
- 7) Bogusłōv IV (1273—1309), knj. Pom.-Vologoszcz.
- 8) Gustav II Adolf (1611—1632).

Wodpust

3)

Wodvjeczno Bog, bracinji, zarządzel, że dvje mô koźdi człovjek tatzeczne: za źęcō — na zemji, po smjercē njebieskō. Iakuże redosnō a cednō to provda!

Vej, kjej sę rodzisz, mosz zadovk zemjovi tat- czeznē, kjejde chrzest przējimosz, zaczinosz i dło njeba rosc. I tak wobje ne tatzeczne, njigde nje chodajacē apartno, zaczinają v koźdernim człovjeku rosc. Błogosłavjoni nen, chteren je strzeże. Bjada zōs nemu, co jedną z njich njechō. Nen njeszczest-

levi ju za žecô spokojną nje zaznaje. Vjic na tím tu svjece dodomko — tateczną Kaszebskô nama. A cež na nje sę skłodaje, spilita bracinji!

To nopjervij ta checz najô rodnô z czestechną jizbjicą strojóną v malovani verzinani statkji, checz, v chterni jes sę wurodzel, v chterni jes wuczel pierszi słowa naj tcevoltńi mově, v chterni jes wuczel sę stovjac pierszech kroczkov, v chterni znajesz kožderni kacek, chterna ce mjiłotnim vepoczinkę je prôcě. Tą tateczną, to nen koscoł vaji, przez tvo-jech stovjani starkov, koscoł, v chternim jes chrzco-ni, do spovjedzě przějěti, v chternim slub jes broł, z chternim teli wodbjerosz błogosłavjeństv na žecě, z chternigo cę kjejdesz na smętorz vęprovadzą. Na tateczną, to cało najô snožô zemja kaszebskô, to nen lud vszeden, co z kaszebskijgo pochodzi ple-mjenja, chteren jednim jęzekę godô kaszebskim. Tą tateczną to najô tcevoltńô kaszebskô mova, v chterni ce matinka wuczeła pierszech slov, chterna ce dopomogô v codnjovim žecim. Tą tateczną to nen stroj po tatkach, to vdare, zvekji po starkach, to historejô norodnô sledni naji chvalě. Vejta, bra-cinji, sostrzece, to vszetinko naj tateczną mjiłotną nom je. — Padałě mjiłotě słowa z kazalnijcě.

A lud zasłechani, z lzą v woku, zdajaci vjidzec v pravjacim człowjeka z dovnech, henež ju mjinjo-nech lat, całą deszą przelnał do slov wo tatecznje, co na dnje serca przędapjało njevjadą vjekov sę wodezva wołanô.

Pod misijnim krziżę, vstrzod morzigo ledu, stojoł vsparti wo krziż młodszi parobk. Szkołovim bęc muszoł, bo bjednô jego vębladłô mjazdra vskoziava, že leno z mjasta, zez szkoł muszeł bęc doma. Žo-lącima woczama zdoł sę v ksidzu zdrzee božigo stolema, takô svjětosc i moc bjola z jego slov. Dzivné vseczěcě mjoťlo jego deszą. Jakuže dalekji, njepojěté zdało sę bęc, co czeł z kazalnijcě, a ro-vnak jakuže i bliskji, mjiłotné i svjěté, co gvesno ju v pratakach drzeńalo.

Woj Kaszebsko! Kaszebsko tateczno mjiłotńô! Rva sę spraglô desza. Dlo cebje vszeternostko, choc žecě, chci smjerc.

— Woj Matinko mjiłecznô, jakže n j manją — skarža sę desza.

— Jakuže tesz kładą nom cezi do serc... Te Bože zmjełuj sę! Te nje dosz nom zgubě! — Po-lukoł lze przęciskajacě rozbolała deszę do krziża.

Tec vszetce so bracinama, sostrama jesmě, boc dzotkama jedni matinkji kaszebskji jesmě. — Mji-lotné, ceplě szlě z vižave słowa. — Ze serca wumji-lujmë vjic vszetinko to, co nasze je. Nje vstedzmë

sę Kaszebstva svigo, svojigo pochodzenjô, svi mově, zvekov, ne vszetkijgo, co kaszebskji je. Trzimmë sę razę, stojmë za tima, co dobra Kaszebskji chcą, bjejmë mocno do lepszoscë Kaszebstva. A tak kjej wu naji sę dzejało mdze, to zagvesno najô v njebye Kaszebskô Vastnô, z tronu strojnego v zloti kłose kaszebskijch zbožov, v pochnjěci žołti a modri le-pine, zdrzacô na svôj vjerni lud, mdze nom błogo-słavja v naji na zemji tatecznje, a po smjercě do-provadzi naj do Sena svigo Christusa. Amen.

Skuńcel. Le lud zazdrzani pozeroł v kozal-nijcę, z chterni jesz bjile vjelgji svjěté słowa.

K u ŋ c.

POZNEJ SVOJĘ MOVE.

Abstrakta rzeczownjikové

Zajjmëm sę tu jednim dzeł znaczenjovim sub-stantivov (rzecz.) wogolnech (abstrakta), jak to z rzeczownjikov często abo mji często tworzą sę abstrakta z pomocą sufiksov:1)

1) -o t a, rzodko spotikô sę, na ten przykład b j e d o t a (biedota, bieda)2): bjeda.

2) -s t v o, baro często, ntp. b e z b o ż n i c t v o (bezbożnictwo): bezbożnik, k a t o l e c t v o (kato-lictwo): katolek.

3) -o v s t v o, też często, ntp. s t r e c h o v s t v o (żebractwo, bieda): stretch.

4) -e ŋ s t v o, rzadziej, ntp. n a r e ŋ s t v o (bła-żeństwo): nara.

5) -j i z n a, -e z n a, sufiks dosc rzodkji, przë nazvach szczepovech, ntp. K a s z e b j i z n a (Ka-szubszczyzna): Kaszeba, N j e m c z e z n a (Niem-czyzna): Niemc.

Abstrakta przëmjotnjikove

Abstrakta przëmjotnjikové tworzą sę z pomocą sufiksov:

1) -j i c a -e c a, sufiks to baro częsti, ale rzodko veraze, z njim łączoni woznoczają samą jistnotę (właściwość), ale vjicij przedmjot (obiectum), chte-ren tę jistnotę posodô, ntp. p r z ë j e m n j i c a (przy-jemność), r o ż n j i c a (różnica): rożni, w o s t r z e c a (ostrze): wostri.

2) -o t a, baro częsti przë przëmjotnjikach bez szczegolnech sufiksov, ntp. n a g o t a: nagji, s l e p o t a: slepi.

3) -s t v o, sufiks njeczęsto wuživani przë adje-ktivach (przëmjotnjikach) i participjach (imjesło-vach), ntp. g ł e p s t v o: głupi, p j i c t v o (opilstwo): pjiti.

4) -eństvo, sufiks rzodkji, ntp. grebjeństvo (grubość, grubawość): grebi, maleństvo: mali.

5) -jina -ena, sufiks woznoczô pravje vjedno przedmjote z jakąs jistnotą, ntp. dalena (dal, dalizna): dalekji, rovnjina: rovni.

6) -jizna -ezna, sufiks njeczęsti, ntp. drożezna (drożyzna): drogji, grebjizna (grubizna): grebi.

7) -jô -ô, sufiks njeczęsti, ntp. cesnjô (cieśnia): casni, młodzô (młódz, młodzież, młodość): młodi.

8) -osc, baro częsti sufiks i wużivalni prze vszetkijch adjektivach, ntp. całosc: cali, vjikszoosc (większość): vjikszi.

9) Często wuživô sę formë rodzaju nijakjigo (neutrum) v funkcji abstraktum przëmjotnjikovnigo, ntp. zelono (zieloność, zieleń), bruno (brun), cecho (cichość, cisza), cepło (ciepło), goraco (gorąco), svjeto (święto), dobro (dobro), też może być wużetë jakno „dobro jako posadanje czegos“.

Czetanjë

Tak czetac noleži, jak koźdi wu se doma przez starszech je nawuczoni vëmovjanjô virazov kaszebskich. Znakji pisarskji są le gvesnim wumovjenim sę przez pjszącech. Wuživô sę abecadla polskjigo, choc nji ma v njim tech vszetkijch znakov, chterneh muszelë be wuživac Kaszebi, chcącë woddac jistni głos prze vëmovjanjim. Momë też barzelko vjele dijalektov, v chterneh navetka jedno słowo może być rozmajice, jinaczij vëmovjanë.

Podomë njechternë zasade:

„ë“ czetô sę krotko jak v: neba, bęc, žeto, pesk, przë (po polsku znaczy: przy), vë — wy, më — my, të — ty.

„e“ jak polskji „e“, czas potrzebni do vëmovjanjô „e“ je dęgszi wod „ë“, ntp. przeja — ch a c — przejechać, ale pr z ë j e c h a c — przyjechać.

„é“ jak njem. See abo jak „ie“ v Liebe (i), ntp. zbožë (czetej: zbożi), bjeganjë.

„o“ po: b, f, g, ch, k, m, p, v, w Kaszebji nocni vëmovjają jak „le“ (v tech tu połączeniach „o“ je diftongiem „oe“) ntp. w ostrzega — łestrzega, v o d a — łe d a, p o j i g a — plejigo, m o r z e — młerze, k o t — kłet etc.

„u“ po: b, f, g, ch, k, m, p, v, w czetô sę jak „ly — lu“, ntp. bulva (njechterni vëmovjają blylva i bulva. Njech koźdi tak vëmovjô, jak je z doma nawuczoni), wutrop, wudba v u l k a — gaska etc. „w“ je diftongë „uu“.

„gł“ czetô sę jak p. „dż“, ntp. vjolggi — vjoldzi, progji — prodzi.

„k“ jak p. „cz“, ntp. letkji — letczy, kjej — czej.

„ho“ na końcu virazu czetô sę jak „głë - vle“, ntp. t e h o — tegłë - tevłë, belniho — belnjigłë - belnivłë.

Adjektiva kończą sę na i. ô. é. Belni — dzielny, belnô — dzielna, belnë — dzielne, m

1) Na podstawie: Dr. F. Lorentz Gramatyka Pomorska, str. 787 i 788, zeszyt 6. Poznań 1936. G. Gebethner i Wolff. Nakładem Instytutu Zachodnio-Słowiańskiego przy Uniwersytecie Poznańskim z zasiłku Funduszu Kultury Narodowej przy Prezydium Rady Ministrów.

2) V navjasach znaczenjé i częcë virazu v movje polskji.

F. Bieszk

Vłosną drogą

Żejemë v czasach vjelgji robotë. Je wona dlo nas stałą pokusą. Provadzi nas do vjelogoscë. Z dregji stronë przënoszô njebezpjecznosc vostrim nasladovnjikom Cenove. Nje są v volnech zavodach, sa zaleźni wod cezińcov, a jednak jidą drogą chterną nom Kaszebo vskozoł Cenova. Vłosnë spostrzenjé wuczi, że droga, chterną szed Cenova, a dzis jidą nją jego nasladovnjice, provadzi do svobodë i podnjesenjô ducha Kaszebov.

Vestarczi choc kask vezdrzec na młodą inteligencją kaszebską, na jech zrzeszenja ë robotë v spravach svoji tatczeznë ë ledu. Ale nadpomknac noleži, że dzis są ju takji zrzeszenja, co wudają Kaszebov a vprovdze jech njenavjidzą, a navetka jech przesladeją. Tak samo wodbivają sę zjazde kaszebskji (na plakatach), bo na provdzëvim zjezdze nje czeje sę movë kaszebskji. Na takjich zjazdach belnech Kaszebov nji ma. Takô robota, to strojenjé sę v kaszebskji pjora. Vstid i sromota tim, co sę stroją v pjora Kaszebov. Jak vjidzec, dotechczos momë novjëcij pocësi z inteligencjé, chterna sę skupjô v koł cządnjika „Zrzesz Kaszebskô“, choc jak mje sę zdaje nji ma tam jech jak na całë Kaszebstvo vjelgji gromadë, ale za to jednostkji vortoscevë, nje rechujac Kaszebov za nają greńcą etnograficzną. Svjodczni nom wo tim czetanjé „Zrzesze Kaszebskji“.

Dzis zacainô rosc zorno nowukji „wo Kaszebach“, chterno Cenova cesnał za svojigo žęcô, ale nje doczekoł sę tego, żebe vëszło, vzrosło i choc kask brzadu przënosjô.

p. v.

Co se četô ě czeje

Premjera „Hanka se ženi“

Studenckji Part Mjilotnjikov Zdradnji Kaszebskji v Kartuzach 22. VIII. tr. wodegroł nonovszą rzecz X. Bernarda Sęchte v movjé kaszebskji: Hanka se ženi (vjeselé kaszebskji v 5 aktach).

Przedstavjenjé scignęło vjele ledztva; sala beła całô zajętô. Starszi przëboczelë so naji zvekji, stroje i spjeve vjeselni, chterne możemë czëc i vjidzec dzis le ju na scenje. Vjele se zjachało z povjatu i dalszech stron; vjidzelesmë autora i ks. prałata Bjeszka vestrzod zgromadzonihò ksędzestva. Zez stari gvardeji kaszebskji, senjorov Kaszebjiznë, belë vv. dr Majkovskji i sędza Karnovskji. Vëstavjonô szteka i gra aktorov beła przëjëtô z wuznanjim.

Wosobno zaznaczyć przënolegô woddanjé se aktorov — młodi inteligenceji, chterni dobelë serdecznë przëjając swojå grå. Możemë bëc pevnì, że przez teortné vjidzavjiska mova kaszebskô rozszerzô se mjidze naszą inteligencejå i duńdze se do jeji coroz lepszihò poznanjô i wumjelovanjô. Inicjativô i prôcô vložonô v przëgotovanjé i režiserskå sztekji przez stud. theol. Franciszka Grucze vëstovjô mu pochlebnë svjadectvo. Dżel worganizatorov skłodoł se z zrzeszińcov.

Pomorzanie v Warszawie

Part Senjorov przë Stovarzeszenjim Przëjaceli Pomorza v Warszawie zacinaje vëdovac co dvje njedzele „Biuletyn Pomorski”. Dokożë prôcë mô bëc pokazanjé Pomorzanom jech mocë i vortosci. Czas zworganizovac Pomorzon dlo stvorzenjô vespólnihò frontu pomorskjihò. Żeczimë Pomorzanom v ti akceji jak nolepszich rezultatov, żebe doprovde sama rzecz v sobje przëniosła pjëkni brzod. Vëwobrozomë so, że inteligencejô pomorskô będze sparłëczonô v jednim parcë; nje noležåło be mjec kjile dzelov sobje wobojętnych abo czech. Prôcô inteligenceji nji może też wobrocac se v svojim kole, trzeba njechternim vińc z teho kola i žëc z ledë, bëc mu gvesną pomocå i podnoszac v duchu pomorskjim.

Przezer vedavov.

— „Tobie Ojczyzna” — Stefan Bieszk. Dramat w sześciu odsłonach. Chojnice 1937. Odbitka z „Zaborów”.

Dramat v movje polskji (zevjiszczë zmjenjoné v tłukovnji, mjało bëc „Filomaci”), przedstovjajåci žëcé patryjotecznych filomatov v Chojnicach v czådze poslednihò povstanja polskjihò. Wosobe gimnazjalistov i akcejô stvorzô epizode wo vjolgjim tragizmje.

— „Ruch Słowiański”. Miesięcznik poświęcony życiu i kulturze Słowian. Redaktor Wł. T. Wisłocki. 1937. Nr 4, 5, 6, 7. Lwów.

— „Kaszubski przemysł ludowy” — Adam Wrzosek. Poznań 1937 str. 25. Wydawca prof. dr A. Wrzosek. 7 ilustracejov.

— „Ak w a m a r y n a” — Nina Rydzewsk-Baytugan, str. 354 Warszawa 1937, wyd. F. Hoesicka. 8 zł egzempl.

Povjesc wobskurnô, chterna tendencijnô vëcigô leno nogorszë strone žëciho Kaszebov. Vedle autor-kji, krotko podomë za praså polskå, wo czim mesli wo naji, że „Kaszebjji žëją bezmała jak bedłô”. Më radzimë ti vastni nje kjerovac se Kaszebami, bo do teho jesz nje dorosła. Njeh sobje pjisze wo ledzach z Marsa — mdze tede blezij provdë — a njeh nje wozsikivô czetińcov Polochov. Plestac kożdi może, ale poznać deszę ledu, dozdrzec jehò vortosce a i procimko do njehò duńc do noprostszi spravjedlevotë — to nje kożdi potrafi. Takji ledze jak v. R. to vrzeszczajce separatizmu, to ti, chterni budejå murzesko njehëcë i pomeszleń, to takji, chternim se zdovô, że słowa może se na vjater ceskac... Ale tak to jednak nji może bëc!

— Probkę charakteru i vortoscë moralni najech rebokov przëmorskjich możemë znalezc v „Kurjerze Warszawskim” z 15. 7. tr., chteren wopjiseje pjelgrzimkę do Svarzeva, że „vjidzi se v njich rasę szlachetną i szlacheckå, chterna sigô baro dovnech czasov... zachovelë vjedno prostostvo, skromnosc, dobrotę i belnotę”. Coroczne pjelgrzimkji do Matkji Boskji Svarzevskji i v tim roku pjëkno se zapovjodajåcô koronacejô Matkji Morskji Kaszebov je dokożë vjolgjihò przëvjazanjô i religijnoscë rebokov naszech.

R O C Z E Z N E

1. IX. 1603 wumjerô Barnim XII, knj. Pom.-Sztet.
2. IX. 1657 pobjitva Polochov zez Szvedami i Brandenb. pod Tczevë, pobjicë Polochov.

10. IX. 1792 wurodzeł se Johann Gottfried Ludwig Kosegarten v Altenkirchea na Ruji. Studjovôł teologiję i filozofiję v Grifiji, potemu wod 1812 v Pariżu move orjentalné i beł 1815 adjunktę na teologicznim i filozof. fakultece v Grifiji. Vëdoł Kantzova kronjikę (Grifijô 1816—17, 2 t.), potemu „Pomorskji i ruskji pomnijkji dzejovi” (Grifijô 1831) i „Codex Pomeraniae diplomaticus” (Grifijô 1843), „Historejô univ. v Grifiji” (Grifijô 1856—57, 2 t.).

13. IX. 1772 Friderik II zajmivô Varmję i Prëse Krolevskji po pjerszim rozbjorze Polskji.

18. IX. 1760 zakuńczenjé wobleganjô Kołobrzegu przez Rosjanov.

23. IX. 1405 wumjerô Barnim VI, knj. Pom.-Volog.
23—24. IX. 1678 Rujo zajëtô przez Brandenb.

29. IX. 1713 Szteteno zajëté przez Prëse i Holstein.
30. IX. 1523 wobejmivô panov. Jerzi I, knjez Pom.-Vologoszcz.

30. IX. 1678 Ankłam zajëti przez Brandenb.

Tłukjem „Zrzeszë Kaszebskji” v Kartuzach.